



Libanga 3

Incwadzi leNkhulu yetindzaba tabotwana



basic education

Department:
Basic Education
REPUBLIC OF SOUTH AFRICA

SISWATI

Incwadzi

4

Indlela yekusebentisa leNcwadzi leNkhulu:

Tindzaba kulencwadzi:



1 Kudlala umdlalo



2 Teca tonke

Njengathishela, utawudzinga kuhlela ulungisele kwenta umsebenti wekufundza ngekwabelana ekilasini lakho. Imvamisa nakwentiwa kufundza ngekwabelana, thishela usebenta nelikilasi lonkhe, kodvwa-ke, uma likilasi lakho lilikhulu kakhulu, kungaba ncono kutsi usebente ngelicembu noma incenye yelikilasi. Kufute kunakisiswe kucinisekiswe kutsi bantfwana bayakhona kuhlala ngendlela yekutsi babone iNcwadzi leNkhulu kute baatowukhona kufundza umbhlo.

Esifundvweni wekufundza ngekwabelana eNcwadzini leNkhulu umntfwana ufundza kutsi incwadzi ibanjwa njani, kubamba incwadzi ime ngemfanelo, kuphenya emakhasi ngemfanelo. Sifundvo sitfutfukisa imicondvo nchanti ngencwadzi – ikhava, lingembili, lingemuva nesihloko. Sifundvo sibuye sikhombise kutsi inkhambiso yekufundza iba njani kani simcoka ekutfutfukiseni emakhono ebantfwana ekulalela, kukhuluma, kufundza, kucabanga, kubuketa tintfo nekubhala njengetimfuneko letibekwe kumaCAPS teku:

- Cija emakhono ekulalela nekukhuluma.
- Cija emakhono ekufundza lasacatfuta.
- Phendvula imibuto ngendzaba.
- Tibandzakanya ekucocisaneni, kunketana tikhala kukhuluma.
- Dvweba, kwefufula noma kwenta silingiso sendzaba.
- Sebentisa titfombe kucombelela kutsi indzaba ikuhuluma ngani.
- Sebentisa kufundza ngekwabelana njengesisekelo sekubhala ngekwabelana.

Kulungela umkhakha wekufundza iNcwadzi leNkhulu

- Cinisekisa kutsi bonkhe bantfwana yakhona kubona incwadzi. Uma likilasi lakho lilikhulu, kuncono usebente ngelicembu lelincane.
- Kungasita kakhulu kutsi wente incwadzi ime mpo khona kungeke kudzingeke kutsi uyibambe usafundza. (Bona imiyalo yekimisa incwadzi kuhava yangemuva.)
- Sebentisa irula noma lutsi lwekukhomba kulandzelela noma kukhomba emagama usafundza.
- Uma ufuna kugcizelela emagama latsite ngalinye, unganameka emanotsi ekunanyatsiselwa dvute nalelo gama kuligcamisa kulamanye noma-e wente ‘lifasitelo lemplingo.’ Sebentisa liphepha lelingucalandze lelinesikhala lesincane saclanzde lesisikwe emkhatsini walo. Beka localandze etu kwembhalo kute kutsi esikhaleleni kuvele ligama linye.

Umkhakha wekucala wekufundza ngekwabelana

Sifundvo sekucala sibhekana nekutijabulisa ne ‘kubona’ umbhalo kwekucala, nebantfwana baniketa imivo yabo ngembhalo.

- Phenya emakhasi endzaba labatayifundza. Cocani ngemidvwebo.
- Cela bafundzi bacomelele indzaba basusela esihlokweni nasetitfombeni.
- Yetfula emagama lamasha noma lalukhuni embi kwekube bafundzi bacale kufundza indzaba.
- Yakha emakhadi emagama kwefufula emagama lamasha.
- Fundza indzaba, usebentisa simo-buso ubuye ugucugucule liphimbo, sevinini nekuphakama kwelivi. Sebentisa iminyakato netimo-buso.
- Landzelela umbhalo usafundza ngekukhomba emagama ngendvuku noma irula khona bantfwana batowubona kutsi ufundzani bese balumbanisa umsindvo netimpawu ekhasini. Loku kutabasita futsi kutsi babone inkhambiso yekufundza kusuka ngesancele kuye ngesekudla ubuye usuke etulu uye phansi.
- Loku kusebentise njengelituba lekwefufula ‘inkhulomo yakancwadzi’ njengaloku: emagama, umusho, likhasi, umbhalo sihloko, njll.
- Lawula bafundzi batibandzakanye endzabeni ngekungenela kumphindza (sib. “Gijima, gjima, gjima ushiye sitfunti, angek’ ungibambe – Ngiyindvodza mcatsane!”).
- Indzaba ngayinye kufute ifundvwe kibili katsatfu kunketa bafundzi litfuba kwenta imphindza yemagama latsite, kwenta silinganiso semsebenti noma kukuye bateke tincenye letitsite tendzaba ngemagama abo.

Umkhakha wesibili wekufundza ngekwabelana

- Kulomkhakha wesibili kusetjwentswa wona lowo mbhalo kodvwa-ke nyalo kunakisiswa kakhudlwana kutibsdzakanya ekufundzeni abe thishela asebentisa tinkhulumiswano letichubekako kucija kucondzisa emagama, kuciphiya emakhono nekwakheka kwembhalo (luhlelo, timphawu tenkhulomo njll).
- Kuphuma kuwe-ke, thishela, kuheha bafundzi kutsi banakisise incenye yalesifundvo letsintsana nalokunye kwaloku lokulandzelako: imicondvonjulo yekubhaleka, timphawu tembahalo, imisindvo, kuhleleka kwelulwimi, emasu ekubona nekucondzisa emagama etibabeni letehlkene (lesilula-nje, kuphindze ahlelembise, kufananisa tintfo letihlobene, kubuyeketa nekuvisisa imibuto).

Umkhakha wesitsatfu wekufundza ngekwabelana

- Kulomkhakha wesitsatfu wekufundza ngekwabelana, bantfwana batifundzele umbhalo ngekwabo baphindze batibandzakanye emsebentini wetemlomo, kunyakata kanye nalokubhaliwe lokususelwa embhalweni.
- Nakukhonakala, umbhalo weKufundza ngeKwabelana kufute wemuketelane neKubhala ngeKwabelana lapho khona thishela abonisa kutsi umbhalo ubhalwa njani bese-ke bantfwana batibandzakanya emsebentini wekucanjwa kwembhalo thishela asatsatsa indzima yekuba ngumgcugcuteli nalobhala. Lesiboniso senkhambiso yekubhala iyabasita bantfwana balungisele imisebenti yabo yekubhala.

1

Kudlala umdlalo




Bekulusuku
lolupholile
ngaBhimbidvwane
lapho licembu lebhola
lalabangaphasi kweli-10
lazuba lehla ebhasini litse
nkhu ngemsindvo. Badlali
bebacondze emdlalweni
wabo wemkhumula jezi
kulomkhakha wemnyaka.

Wonkhe muntfu bekajabulile ngemdlalo
wekugcina emkhatsini weSikolo seNew
Town nesaseTseMba Letfu.

Andile naLindiwe bekungabo bodvwa
emantfombatana ecenjini leNew
Town team. BebanelitseMba kutsi
batasehlula Sikolo seLitseMba Letfu.

Bo-Ana naMandu bacabanga
nje licembu labo selitfolo indzebe
yekuncoba. Lindiwe loneminyaka
lelishumi nakunye naye bekafile
kyinjabulo. Waticabanga ashaya
ligoli lekuncoba ngemakhokho
akhe lamtfubi lamasha. Khona
manjalo wamemeta wacandvula
sekagcumukela emgodzini.



“Inyandzaleyo!” washo aklabalata.
Bo-Andile, Peter naJabu babuyela
emuva bamsita bamkhipha emgodzini.
“Eyi nkosi yami!” usho uyakhala ukokola
ngamlente munye.

“Angikhoni kuma ngalolunyawo!”
Wahlala phansi etjanini. “Ngiyetsema
angikephuki licakala,” washo tahushuka
tinyembeti.

“Uma ngabe Lindiwe akakhoni kudlala,
kusho kutsi nami angeke ngidlale.

Kutawudzingeka kutsi ngimuyise
emtfolamphilo.”

Advonsa umoya kakhulu Andile.

“Ungakhatsateki, Lindiwe,” kubeka
Andile. “Ngitakuyisa kudokotela.”

“Hhayi bo, Andile, cha-cha! Angeke
ukwente loko. Mine ngitawulindza lapha
kute kuphele umdlalo.”

“Angeke uhlale wedvwa lapha, Lindiwe,”
kuphendvula Andile.

Labanye ecenjini bahamba bayowudlala.

Andile wabuyela
ecenjini.

Etama matima
kubamba tinyembeti
ngetinkhophe,





watsi, "Hamba
uyowudlala,
fana. Nibashaye
bakhumbule kubo!"

Andile wasekela
Lindiwe

basahamba babuyela ebhasini,
Nalapho bahamba bobabili baya
emtfolamphilo. Dokotela walucilonga
ngesineke lunyawo IwaLindiwe.
Watsatsa sitfombe-matsambo se-
X-reyi, wasibukisia wamatseka.
Wabatjela kutsi lunyawo IwaLindiwe
lutakwelulama kahle. Walubhandisha
wase utjela Lindiwe kutsi angabuye
ayidlale ibhola yetinyawo futsi

masinyane nje
nase ativa ancono.

Dokotela watsi,
"Uma utsandza,
ngingahamba nawe
ngemoto siye enkhundleni
yemdlalo. Sesidze sikhatsi
ngingayibukeli ibhola."

Kanjalo, dokotela lonemusa wayibamba
imoto yacondza nabo enkhundleni
yemdlalo. Bafika ngelikhefu lesigamu
sekucala. Emagoli bekasema-2 kuNew
Town nama-2 kuLitsema Letfu.

Watsi ujacala nje futsi umdlalo,
lamantfombatana lamabili angena
egcekeni.



Khona manjalo, Andile wafaka ligoli
lesitsatfu ngasecenjini le New Town,
kwatsi nje sekutawukhala indweba
yekuphetsa umdlalo, Lindiwe wafaka
ligoli lesine.

Lamantfombatana lamabili asangana
yinjabulo ngesikhatsi licembu lawo
liyokwemukela indzebe yesikolo sawo.



2 Teca tonkhe



Ngalelinye lilanga kusihlwa lifutfumele,
umgcini-Zu wakhiya tonkhe tindlwana
tetilwane angakahambi kuya ekhaya.

“Nisale kahle tilwane, ngitawubuya
ekuseni,” asho asakhiya indlwana
yemfene.

“Ulale kahle kuphendvula imfene,”
asanyomula tikhiya ngekucophelela
lokukhulu yena ebhandeni lemgcini-Zu.

“Ngidzinwe kakhulu,” kusho umgcini-Zu.

“Ngiyajabula kutsi sesikhatsi
sekuhamba ngiye ekhaya. Ngilambile
sengijake kuyowudla kudla kwakusihlwa
nemndeni wami.”



Utse aphuma nje umgcini-Zu kuya ekhaya, uMnu Mfene waphuma angena netindlwana tetilwane avula emasango.


"Siyavusela Make Mvubu!" asho ahlola kancane. "Phuma bo sikhatsi selidzili!"

"Kuhlwile, Mnu Bhubezi," kubingelela imfene, "Phuma siye edzilini!".

Tilwane tacoca ngenjabulo lenkhulu ngekuphuma eZu.

Tingobiyane taba tekucala kweca. Tonkhe letingemashumi lamabili nakutsatfu tacanca yonkhe indzawo kufenisi weZu ticondze epaki.





Tingobiyane tajabula tafa natikhandza
litafula lidekelwe lidzili lelusuku
lwekutalwa lebelitawuba khona
ngakusasa.

Tingobiyane tadla konkhe lokudla
kwelidzili. Tadlala kusondvo-gici
nakubomjikeni.



Kusenjalo, wavuka esitfongweni sakhe
gadzi wepaki. Wamangala kakhulu
nakabona tingobiyane letingema-23
tidlala epaki.

"Ngibonani ngemehlo ami?" atibuta.

Lomvimbeko imvubu wakhetsa kuphuma
eZu watizulela ehla ngemgwaco
lomkhulu.

Wamangala ngemsindvo lomkhulu
lobewubangwa timoto. Bewumkhulu
lomsindvo bo!

Wakhetsa kulala emantini laphuma
ngemandla lahlobise
ihhola ngephandle
kwelidolobha,
kodvwa umsindvo
wemahutha nema-
alamu etimoto
letiphutfumako
bewuchubeke njalo
kumphatamisa.





Mbube libhubezi washo ngetidlada takhe ehla ngesitaladi. Wamfumfutsa ahosha kudla. Angadlani?

Wafohla wangena esuphamakethi.

“Inyandzaley! Sitani!” kumemeta emakhasimende ngekwetfuka.


Gidli indlovu waba silwane sekugcina kuphuma eZu. Wahamba wabhukula ekhatsi edolobheni.

Asahamba emgwacweni, Gidli wabona indlu ivutsa emalangabi. Wamunya emanti edamini lekubhukusha wafata indlu. Masinyane nje waphela umlilo.

“Usebentile Mnu Ndlovu!”

Kumemeta beticishamlilo.

“Halala!” Kubongelela tibukeli.




Wachubeka ngeluhambo lwakhe Gidli
wabhukula edolobheni waya emitini
eticantfwini.


Wabona Tsabile ahamba achamuka
ngasemfuleni. Bekadvonsa matima
etfwele libhakede lemanti.

“Lamanti aphike kukhaphaka,” kusho
Tsabile. “Ungakhatsateki, ngitakusita
kwetfwala lamanti,” kuphawula Gidli.

Waphakamisa Tsabile wambeka emhlane
wakhe wase umunya emanti lakenele
kugcwalisa lithange lemanti.








Masinyane umgcini-Zu nawo onkhe
emasekela akhe bebaphumile bahamba
bafuna tilwane.

Efika nemaphoyisa kutobasita.
Tihloko temaphendzaba
netindzaba temsakato betecwayisa
sive ngelihubezi lelifohlile latfolaka
lijangaza etitolo.



Lapho-ke, tonkhe tilwane takhetsa
kubuyela emuva eZu.

"Akusilula kutfola kudla edolobheni,"
kusho libhubezi.

"Angikhoni kulala kulomsindvo longaka
wetimoto," kusho imvubu.


"Kufana nelihlatsi nje edolobheni,"
kusho indlovu.



“Sitijabulisile edzilini, kodvwa sidziniwe sifuna kubuyela emuva ekhaya,” kusho tingobiyane.

UMnu Mfene lobekagcine tikhiya, wavula lisango kungenisa tilwane emuva eZu.

“Wo, nyalo seniyati kutsi betishonephi tikhiya tami!” kusho umgcini-Zu.



Wemukelekile kuloluchunge lwetNCwadzi letiNkhulu. Loluchunge lweNCwadzi leNkhulu luginceny yeLuhlu lwakaRainbow, lolufaka ekhatsi tincwadzi tekusebentela, limfomfo, tindzaba tetigaba nemaphosita. Setsema kutsi, ekufundziseni kwakho utatitfola tilusito lolukhulu letinhlobonhlobo tetindzaba letikuletiNCwadzi letiNkhulu letisiphohlongo talesigaba, nebafundzi bakho setsema batakujabulela kufundza ngekwabelana kwabo.

Sitatimende Simiso sekharikhulamu neLuhlolo (CAPS), seSigaba Sisekelo siphakamisa kutsi Kufundza ngekwabelana kunguleny yetintfo letimcoka emaswini ekufundza. Kufundza ngekwabelana imvamisa kuba khona emkhatsini wemalanga lamibili kuya kumane ngeliviki lapho khona umntfwana ngamunye aba nembhalo munye wekufundza. Tincwadzi tekusebentela netindzaba tetigaba tiwulungele lona mgomo.

Kodvwa-ke, kufundza ngekwabelana usebentisa iNCwadzi leNkhulu lenemagama lamakhulu yindlela lenhle kakhu yekwenta kufundza ngekwabelana ngoba bantfwana bayawabona emagama netitfombe, bakhone nekukulandzela usafundza ngendlela lefana naleyo yekuteka inganekwane ekhaya. Kumcoka-ke kutsi bantfwana bahlale bagege iNCwadzi leNkhulu, khona bonkhe bakhone kubona futsi bafundze umbhalo. Lemibhalo lemikhulu wetiNCwadzi letiNkhulu yenta kukhonakale kufundza uphimisele kuve bantfwana labanyentana ngasikhatsi sinye endzaweni lekhululekile lete umoya wekxesabisa.


TiNCwadzi letiNkhulu kuloluhlu titakwetfula bafundzi bakho eluchungeni lwe tindzaba, tinkondlo, tilandzelo nemidlalo tibuye tibetfulele lwtiso nemibhalo leyimidvwebo.

Kungumsebenti wakho, njengathishela kwenta tindzaba tiphile kubantfwana ubuye wakhe simo lesinenjabulo nenhabunkhabu. Kusebentisa tiNCwadzi letiNkhulu kukusita kutsi ukhone kubonisa inkambiso yekufundza ngendlela leletsa injabulo kuwe kanye nakubafundzi bakho. Setsema-ke kutsi lencwadzi itakusita wente kona loko.

Lamanye emasu ekusebentisa iNCwadzi leNkhulu

- Sebentisa sicephu sepulastiki lelikhanya ngale njengendvwangu lembonya ngaphasi kweNCwadzi leNkhulu. Litawubuye lisite kutsi bantfwana nathishela bakhone kubhala kulo lelipulastiki.
- Bhala ngepheni lecimekako futsi lengagezeka kulelipulastiki.
- Sebentisa sichano lesikhulukati kufasela lesicephu lesikhanya ngale encwadzini lenkhulu.

ISBN 978-1-4315-2960-5



ISBN 978-1-4315-2960-5

THIS BOOK MAY NOT
BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay



Yakha yakaho insika yeNCwadzi leNkhulu

Utawudzinga:

- Likhadibhodi lelibanti ngekulingana neNCwadzi leNkhulu nayivulekile (594 mm) bese budze iphindzeke ka-3 encwadzini (1360 mm).
- Ithephu lecinile lenkhulu lemhosana
- Timbili tifasa-phepha noma emaphekisi kubamba ikhadibhodi ingaphakami.

Sebentisa lethephu lenkhulu kuhlanganisa tincenye tekhadibhodi.

Goba ikhadibhodi kwenta sibaya sa-A bese uchanela ndzawonye sisekelo nelingembili njengoba kukhonjisiwe kulumdvwebo ngentasi.

